

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 788 del 26/03/2026

Gerosa: “Amò n auter vèrech inant envers n rinforzament di servijes educatives per i fantolins”

Coes per i fantolins - Tagesmutter: l é stat aproà la neva fegura profescionèla tel Repertorie de la califcations

[Ladino] La Provinzia Autonoma de Trent à fat amò n auter vèrech inant per rinforzèr i servijes educatives per i picioi e per l recognosciment de la competenzes profescionèles. Con n nef provediment, aproà en vender ai 20 de mèrz da la Jonta Provinzièla, se defenesc l perfil de califcasion profescionèla desche “Operador Educatif per la coa per i fantolins – Servije Tagesmutter”, che se met ite tel Repertorie provinzièl de la califcations profescionèles.

“Con chest intervent, l Repertorie provinzièl l se smaora, vegn metù ite na neva fegura strategica – à comentà l’assessora a la istruzion Francesca Gerona – e se contribuesc al svilup de na perferida educativa che manaman la vegn a esser più califichèda e bona de ge fèr front ai besegnes del teritorie. L provediment vegn a esser n auter vèrech inant per potenzièr l sistem provinzièl de zertificazion de la competenzes, con n tornacont per i profescionis del setor e de la families del Trentin”.

La desposizion la vegn perveduda aldò de la deliberazion n. 970 dai 4.07.2025, che à pervedù e metù ite, anter i requisic de azes a la profescion de operador te la coa per i fantolins-Tagesmutter tel Trentin, ence la zertificazion de la competenzes, aldò de la Lege provinzièla dal 1m de messèl del 2013 n. 10 dintornvia l aprediment permanent.

Chesta modalità la se jonta apede al classich percors formatif per arjonjer competenzes da 500 ores, col sporjer n sistem alternatif per arjonjer la califica.

L perfil profescionèl l é stat definì dal Servije ativitèdes educatives per i fantolins, do da n aprofondiment out a troèr fora azions sostegniboles per sostegnir la politiches per l nasciment, l suport a la families e l smaorament di servijes educatives per i fantoilins dai 0 ai 3 egn. La istrutoria tecnica la é stata gestida dal Ofize per la politiches de inclusjon e zitadinanza del Servije istruzion, col meter vèrda a ge jir do al Repertorie nazionèl e al Chèder nazionèl de la califcations (CNC).

Meter ite chest nef perfil tel Repertorie provinzièl l é n strument zis emportant per valorisèr la competenzes che à jà chi che vel lurèr tel ciamp di servijes per i fantolins-Tagesmutter. Tel medemo temp, l contribuesc a arseguerèr standard calitatives e profescionèi auc tel ambit di servijes sozio-educatives per i picioi, desche pervedù da la normativa provinzièla en दौरa.

L provediment se met dant più che un obietif: da na man smaorèr la perferida di servijes per i fantolins per ge responder miec ai besegnes de la families, tras n sistem integrà de servijes, e da l’altra sostegnir la politiches de califcasion e recalifcasion profescionèla, rinforzan l sistem provinzièl de zertificazion de la competenzes.

Traduzion di Servijes Linguistics e Culturèi del Comun general de Fascia

(cdt)